



Digitized by the Internet Archive
in 2019 with funding from
Wellcome Library

<https://archive.org/details/b30765365>

SUMMO ADJUVANTE NUMINE!

DISSERTATIO MEDICA,
ÆGRUM
INCUBO LA-
BORANTEM

SISTENS,
QUAM
SUB PRÆSIDIO
VIRI

Nobilissimi & Excellentissimi,
DN. GEORGII WOLFF

GANGI WEDELII,
MED. DOCTOR. THEOR. P. P. MED. DUC
SAXON. S. R. I. ACAD. NATUR. CU-
RIOS. ADJUNCTI,

*Dn. Præceptoris, Patroni atque Promoto-
ris studiorum suorum omni observantiæ cultu
devenerandi,*

Publicæ Philiatrorum censuræ submittit

IN AUDITORIO MEDICO,

Ad d. Decembris

RESPONSURUS AUTOR

GEORGIUS FRIDERICUS ÆPLI-
NIUS, SERVESTA ANHALTINUS.

JENÆ,

ÆRE KREBSIANO M. DC. LXXVIII.

stro foro, certum quidem est, fieri illa in cerebro, ludente & præsidente phantasiâ, ast succendicula, ut ita loquamur, seu materiale somnii non æquè hæret in sublimi illâ arce. Plurimis id demonstrare exemplis integrum foret, nisi cancellos, quos in consultando præfixim⁹ nobis, transgredi dubitarem⁹, undè pauca sufficient. In pollutione nocturnâ nemo negat, vasa genitalia, imò, per consensum tamen solum & dispensationem sanguinis, renes subjecti vicem obire, contingente nihilomin⁹ somnio venereo. Memorabile non minus est exemplū nephriticorum, quale *Tullii* verbis eloqui lubet: Dicitur quidam, *inquit*, cum in somnis complexu venereo jūgeretur, calculos ejecisse. Video sympathiam; visum est enim tale objectum dormienti, ut id quod evenit, naturæ vis, non opinio erroris effecerit, *lib. 2. de divin. cap. 69.* Tacemus, qui pedem ignitum somniantes, illum mane sequente gangrænolum experti sunt, & alia. Ut igitur in his & similibus duo concurrunt, focus, ex quo, humorum & spirituum ceu portitorum officio, somnium enascitur ac profurgit, & locus, in quo fovetur, & in actum deducitur, non obstante, quod ipsæ cogitationes, v.g. venereæ, multum & ibi conferre possint ad exclusionem perfectam; ita causam occasionalem incubi & primum quasi focum, primum subjectum & principale audebimus asserere thoracis limitaneos motores.

Per *συμπάθεια* afficitur cerebrum, quod organum immediatum est cognitionis, ut *Exc. Wedel. part. 1. sect. 4. theorem. 26.* docet, & pro generatione spirituum animalium factum, monente *Galeno*. His igitur in officio turbatis neutiquam dubitandum, quin reliqua omnia naturæ munia averruncandæ extraneæ hosticæ turbæ insudent. Si verò

rò consideremus, quomodo respiratio hoc loco læsa sit & suffocatio immineat, an per se, an per accidēs in incubo; non prius asserendum videtur, quia nec pulmonis obstructio adest, nec libertas viarum imminuta, quin extendi satis possint; sed posterius, quatenus & sanguis per ipsius parenchyma circulandus, & per arteriam pulmonalem adductus, per venas non legitimè repetit suos thalamos, & spiritus animales, motum primum largientes, non ritè illum promovent, sed ventilabrum illud nerveum & musculosum, diaphragma puto, torpidius reddunt.

Accedit consensus musculorum intercostalium, quò pertinet experimentum *Pecqueti*, Bartholino laudatum, qui omnibus aliis musculis in pectore & abdomine penitus abscissis, si muscoli intercostales & diaphragma illæsa sint, æque respirare animal, quàm si nullum esset vulnus, observavit.

MINUS PRINCIPALE, seu adæquatum SUBJECTUM est totius corporis peripheria, cum omnibus facultatibus, quæ à cordis motu dependent, idcirco hoc impedito & suppresso illæ statim deliquia aut inordinationes subeunt, ceu eleganter hæc deducit *Willis. lib. de anim. brutor. p. 2. pathol. cap. VI. p. 201.*

CAUSA IMMEDIATA est influxus in nervos phrenicos & recurrentes impeditus. Ut enim sine dubio à nervis phrenicis motus diaphragmatis & pulmonum animalis derivandus est, ita horum læsione influxu spirituum in thoracem impedito, & motum consequenter differri, sanguinis fuligines in exilium non proscribi, suffocationem imminere, certum est. Recurrentes verò affectos esse, ex vocis diminutione concluditur.

Confirmat id imprimis experimentum in brutis factum

tum *Vesalii*, qui *de hum. corp. fabr. lib. 7. p. 827.* sibi observatum esse ait in canibus & porcis, si vivi aperiantur, & prope arteriam asperam ligentur nervi recurrentes, vocem amitti, si relaxentur, iterum redire, sin secantur, fieri exinde mutos; nec minus in hominibus, exemplo illorum, quibus v. g. improvide scrophulæ fuere sectæ.

Impeditus verò hic spirituum animalium influxus est, non tam in origine ut plurimum, nam nonnunquam id contingere posse vel concurrere ex abundanti largiemur, quàm in insertione, si enim prius illud contingat v. g. in dispositis ad apoplexiam, & incubo hinc ejusdem prodromo, fortio ipsum medullæ nervosæ principium quati necessum est, nec malum ita transiturum esse.

CAUSA MEDIATA PROXIMIOR, quoad *essentiam*, est vel humorosa vel vaporosa.

Humores accusandi veniunt potissimum serosi, incoagulum abiturientes, crassi, pituitosi, melancholici, quos & *Platerus*, *Fernelius*, *Arabes*, imò ipse *Sennertus lib. 1. p. 2. cap. XXIX. de incub. p. 590.* afferunt. Hæc saburra non omnium partium fermenta solum inquinat, sed spiritus animales etiã, remotè ab impuro hocce sanguine, proximè à spiritibus vitalibus, consequenter vitiosè elaboratis, ortum trahentes, ad actiones ineptos & tenebricosos reddit; unde oritur eclipsis intensior vel remissior, pro majore vel minore hujus hospitis accessione concipienda.

In gignendâ sævâ hâc progenie vapores quoq; & in primis è ventriculo ascendentes, multum valere, & ansam dare, ut dormientibus magis, propriè dictus incubus, quàm vigilantibus accidat, nullum dubium est; siquidem cruditates gas consimile acidum v. gr. ponticum, pituitosum de se spirant, unde ut asthma præcordiale à repletione primarum viarum oriri potest, ita & incubus promptè nascitur.

Sin aliorum vota colligamus, varia illa se offerunt.

J. B. Helmontius acidum peregrinum ventriculi & *Jus Duumviratus* summæ potestatis accusat.

Harvaiani σάρον sanguinis crudioris in pulmonum vasis;

Sylvius ponticam & austeram exhalationem ex conflictu humoris pancreatici, biliosi & pituitæ stomachicæ.

Tachenius & *Swalbius* acidum cum alcali confligens in proscenium adducunt.

Quoad *essendi modum*, peccant hi humores *quantitate*, id quod ex jam dictis patet.

Qualitate tum primâ, frigidâ, tum secundis & tertiis, unde nimis lenti, crassi, vaporosi, flatulenti, acidi, motu subsistentes, minus rarefactioni auscultantes.

Denique *motu generationis & locali*. Generati fuerunt in infimo maximè ventre, hypochondriis, pancreate, mesenterio, ventriculo, inde ad secundam culinam promoti, tempore distributionis chyli, quiescente magis corpore, nec consequenter quasi externo adjumento citati, in vasis suis moras neſtunt, cavitates replent & distendunt, adeoque munia vitalia remorantur. Ad tertiam quoque diditi vitia sua affricarunt partibus singulis, ut adeò hic maximè verum reddatur assertum medicorum tritisimum, vitia coctionis primæ nō corrigi in secundâ, nec in tertia, quod vix ullus morbus quàm hic noster tam evidenter patefacit. Vitia culinæ primæ adesse, partim à facultate læsâ, partim ab errore externo oriunda, ipsa historia loquitur abundè. In medio ventre id se exserere, per supra dicta patet. In supremo quoque, positu illo, torpidior lymphæ poris cerebri imbibitur, & nervorū sexti in primis paris principium quasi gravat, unde non procedentibus portitoribus suis eluctari archeus conatur & molestiam illam patefacit.

Ex

EX SUPERNATURALIBUS non dicemus quidem, aliquid subesse altioris regiminis, ægrumque magicis artibus vexatum talismodi ephialten pati, nihilominus tamen monebimus ipsum, an forte hujus rei occasionem referre possit, cum, ut alia taceamus exempla, filiam propriam sæpè incubo aliisve insomniis horrendis correptā narret ex hac causâ *Timæus lib. 7. de morb. malign. & venen. p. 329.*

NATURALES quod concernit, temperamentum totius in humiditate & frigiditate naturaliter excedens reum facimus; Unde viscera coctioni & depurationi destinata neutiquam officio præesse potuerunt. Obesus insuper corporis habitus, necessariam fuliginosorum excrementorum per porulos cutis expulsionem non admittens, humoresque accumulans multum contulit.

Inter NON-NATURALES primum tenet locum CIBANDI ratio. Hæc flatuum cruditatisque acidæ & pituitosæ faraginem largè suggessit, si spectemus seu quantitatem, seu qualitatem. Carnes salitas enim, pisces infumatos, castaneas, legumina & alia duriora negotium facessere ventriculo, chylum crudeum & viscosum gignere, pituitam cumulare, & centena alia mala procudere tam notū est, quàm notissimum. Fugerunt hæc caloris efficaciam, præsertim debilioris, qualis ratione temperiei & habitus corporis adest, fugerunt menstrui solventis vim, diutius innatarunt ventriculo & μόλυνσιν crearunt, vitiosam evaporationem condentem.

SOMNUS excedens non minùs cruditates gignendo, unde & mater pituitæ audit, maximum quoque huic symptomati dedit stimulum, mentis & sensuum facultates infregit, spiritus obnubilavit, humores pituitosos accumulavit. Nec hoc satis fuit, quin longè magis deliquit decubitu

bitu in dorsum facto. Hic quippe tùm alia affectuum genera, pollutionem nocturnam, gravitatem capitis, insomnia varia producit, tùm ipsum hunc nostrum, imò apoplexiam quoque non rarò ad se invitat, siquidem & in vasis majoribus aortæ & venæ cavæ ramis hoc pacto magis incallescit sanguis.

RETENTA quoque suum *ἡβέλιον μέγ* addidère, siquidem somno, cui indulgit, excretionès debitæ plus justo protractæ, & causa hujus mali mirum quantum adaucta.

Par ratio est vitæ sedentariæ, unde humores torpidos stagnare, & vappescere in vasis oportuit; nec discussi ad cutis peripheriam fuère, sed langvido calore sensim dominium in corpore affectarunt.

EX PRAETERNATURALIUM classe primas obtinent inflatio ventriculi & hypochondriorum, unde motus diaphragmatis reciprocus, decumbente in primis corpore, promoveri minus potuit, & affecti unà nervi promptè malum excludere.

Imò huc ipsos quoque pavores referre licet, sub primum somnum accidentes, vaporibus caput petentibus, hinc inde archeum irritantibus, & phantasiam ex abrupto excitantibus, siquidē animus quasi verberatur imminentis mali opinione, ut subtilissimus *Scaliger contra Cardanum, exerc. 312. pag. 1003.* loqui amat. Ut ut enim in sanis quoque aliàs nonnunquam simile quid eveniat, nihilominus tamen cacochymicos humores & intentatam pororum repletionem in crebro in ægro nostro facilè id quoque notat.

Non mirum hinc est sequentia enata symptomata, quorum jam ratio reddenda venit.

I. *Moles in præcordiis cum imaginatione ponderis alienius incumbentis à sanguine, ob respirationis actum & diaphra-*

phragmatis motum quasi suspensum, restitante & denegato vaporum circa regionem hanc coacervatorum exitu, arcessenda est, unde phantasiæ nunquam otiosæ à sensu communi sub specie gravantis oblata sunt illa. Ut enim aliàs ubi dolor, vel molestia consimilis, ibi morbus ; ita dum gravata sunt præcordia, offertur phantasiæ ille sensus, idquè cum confusè fiat cessante plenario sensus communis & primi iudicio, hinc vetulæ, canis, hominis vel indefinita species objecta videtur.

2. *Movendi impotentiam* spirituum animalium, à quibus omnis dependet motus, causatur interpolatio, præcipuè somni nocturno tempore, dum placidâ quiete corpus reficitur, facta ab archei obnubilatione & cessante irradiatione per nervos, primum quidem in insertione, hinc & adæquatè in origine.

3. *Diminutio vocis* ob læsionem nervorum phrenicorum & recurrentium motoris inducitur.

4. *Tremor cordis & anxietas*, ob *σύν* sanguinis & consequenter *ἀέρωσιν* impeditam, dum quasi coagulatur in dextro cordis thalamo, ob circulationem à respiratione cessante intermissam, facta sunt.

5. *Debilitas capitis* à vaporibus sublimatis spirituum vigorem & motum debilitantibus irrepsit.

6. *Lassitudo totius corporis*, activitatem spirituum animalium imminutam, partim ob nocturnum laborem, partim ob humorum cacochymicorum abundantiam sequitur.

7. *Macula punicea* ex sanguinis *σύν* salisque volatilis scorbutici exhalatione & sublimatione natæ & profectæ sunt. Nam nullus ferè unquam hoc symptomate affectus, scorbutico & præsupposito malo hypochondriaco non laborans, visus.

Si jam quid de eventu affectus hujus sperandū, dicendū sit, putamus ratione SALUTIS & MORTIS, respectu symptomatum quidem, causarum & subjecti, in minimis poni eundem non debere, & quoque periculosiora facili negotio accidere posse; nihilominus tamen cum æger sit juvenis, cum ab erroribus diætæ ortum duxerit, sympathicus magis sit, quoad cerebrum, naturæ robore constante, abiturum illum, brevi, nec post se apoplexiam aliaquē graviora tracturum.

Et licet temperamentum ægri melancholico-phlegmaticum CHRONICUM quid importet, longumque tempus, ut ad diathesin naturalem reducantur viscera, requiri videatur, ipse tamen affectus non molestas neçtet moras.

MODUM EVENTUS designamus correctionem & dissipationem materiæ vitiosæ, paulatinâ solutione, ut discussis halitibus vitiosis, correcto tono viscerum, roboratis nervis suda omnia & serena compareant.

Cognitâ morbi indole ejusquē accidentibus, proximum erit, ut, quo filo CURATIO sit ducenda, mente & animo volvamus. Auxilium ergò mittendum archeo & mora omnis interposita auferenda, quo citò, tutò, & jucundè sibi contrarium expellere, palatium absque ullo impedimento pervolare, summaque imperia sibi tradita administrare queat. Consultius autem res tractari non poterit, quam si certâ methodo curationem proponamus, illisque obviam eamus indicationibus, quæ magis urgent. Indicatio verò triplex se offert, 1. CURATORIA morbum & symptoma, 2. PRAESERVATORIA causam, 3. VITALIS vires attendens.

Primò itaque cogitandum, quid in ipso PAROXYSMO faciendum, ut facultatem excitemus, si, causâ nondum dissipatâ, malum redeat. Hîc, quod vulgò ferè ipsi innotuit, sua-

suademus, ut positus dorsalis excipiatur laterali, ut vellatione insuper corporis, & nominis in baptismo impositi compellatione non omisâ, excutiat labor, & præsidium corpori ab archeo sopito veniat. Hoc fine utroque, excitandi & dissipandi, & FRICTIONES extremorum non negligendæ. Nam, verbis *Helmontii*, si protenus expergeant somniatores, statim quoque cessat incubus. Hæc ipsa verò circumvolutio in latus alterutrum, vel potius excitatio, non malum ideò levat, quod, ut idem contendit, hoc pacto stomachus (quem sinistro latere cubantibus, quorsum os stomachi contortum est, omnia hæc & motum simul moderari vult) jus duumviratus exercere cesset, sed quia hoc pacto liberius dispensantur ad organa motus spiritus, neque tam prompte ab extrinsecis aliis obnubilantur, explicato magis archei imperio.

EXTRA PAROXYSMUM prima quidem occupat subsellia ex FONTE CHIRURGICO VENAËSECTIO, generosum remedium, multis satisfaciens indicationibus, attamen in nostro ægroto minus usui futura, cessante enim indicatione cessat & indicatum.

Venæsectionis tamen vicariæ CUCURBITULAE scarificatæ & siccæ ad revellendum & dissipandum institui possunt.

VESICATORIA ad eliciendum vitiosum humorem vel in nuchâ, vel pone aures proficua erunt.

FONTICULI, quia serum vitiosum expellunt, in brachiis vel cruribus in interstitio muscutorum & incisione & corrosivis fieri possunt, longius repetente morbo.

Nec minorem laudem merebitur nuchæ applicatum SETACEUM, tam curandi, quàm præservandi intentione commendabile, si duro morbo durum quærendum remedium, quo tamen supersedere nos posse speramus.

Ad PHARMACIAM hinc progredientes, ex quâ genero-
 flora maximè mutuari licebit præsidia, offendimus primò
 LENIENTIA. Hæc enim si quid aliud, proficua erunt, dum
 primas vias evacuant, sarcinam impuram aliorum diver-
 tunt, & cacochymiam extra vasa potissimum consistentem
 deplent.

Rx. *crystall.* ☿, ♀. ☉lat. ꝑal. ā. ☿ß. *magist. gialap.* gr. ij.
 ☉ mac. gtt. j. M. F. Pulvis. D. ad chartam. S.

Lindpulver uff einmahl.

Rx. *elix. propriet. laxat.* 3j. Ræ ☿ri ☿j. M. in vitro, S. Lindtinctur.

Rx. M. aloet. D. D. Præf. ☿iß. *extract. calam. arom.* ☿ß.
 M. F. l. a. Pilulæ minores S. Lindpillen.

Rx. M. marocost. ☿ear. ā. ☿j. *extract. agar.* ☿ß. M. cum *elix.*
propriet. antiscorb. F. l. a. pilulæ.

CLUSTERS quoque insigniter huic scopo velifi-
 cabuntur, successione quâdam hinc primas vias liberantes.

Rx. *rad. fœnic. caryophyllat. irid.* ā. 3ß.

herb. centaur. min. malv. salv. ā. mj.

fl. schœnanth. lil. alb. pœon. ā. p. iij.

sem. fœnic. anis. aneth. ā. 3j.

prunor. Damascen. n. vj. Coque in f. q. ☿æ font. Colat.

Rx. 1ßj. adde ☉. *chamom. rut.* ā. 3vj.

hier. Logad. 3ß. ☉ ☿ri 3ß. M. F. l. a. Clyfma.

Rx. *rad. pœon.* 3j. *herb. beton. meliss. pariet.* ā. mj.

fl. primul. ver. mß. sem. carv. aneth. ā. 3ij.

Coq. in aq. font. q. f. in Colat. 3x. solv.

elect. hier. picr. Gal. 3j. ☉ comm. 3j.

F. l. a. Enema, applicetur convenienter.

SUPPOSITORIA ex sevo & melle purgantibus admixtis
 eundem quoque præstabunt effectum.

Quantam PURGANTIA liquando & fundendo hu-
 mores, naturamque stimulando & ad excretionem ad-
 monendo, ob acrimoniam ☉no-☿eam, magis vel minus
 volatilem, implicitam vel explicitam, in morbis chronicis
 præstent

præstent operam, ipsa loquitur experientia, verum, ne empiricorum more ea propinemus omni jure præmittenda, quæ humorum qualitates caloris nativi actioni resistentes corrigunt, ita ut crassos humores attenuemus, viscidos & lentos incidamus, illosque fluxiles reddamus, quo eo melius aptari, colligi & excerni queant. Salutantur verò illa ratione officii **PRAEPARANTIA** seu digerentia.

Rx. *croc. ꝑt. ꝑat. 3ß. fecul. pæon. rad. ari ppt. .ã. ʒj.*

mag. lap. lazul. corall. ã. ʒß. ʃ mac. gtt. j.

M. S. digestiv - *Pülverlein auff viermahl.*

Rx. *aus aperit. Penot. lil. convall. ã. ʒij.*

M. S. Digestiv - *Spiritus 40, 50, gtt. auff einmahl.*

Rx. *∇. lil. convall. c. v. fl. pæon. epilept. Lang. fumar. ã. ʒj.*

sirup. de byssop. stæchad. Arab. ã. ʒß.

mixtur. simpl. ʒj. aus ceras. nigr. ʒij.

M. D. in fictil. S. *Digestivträncklein auff zweymahl.*

Subsequuntur **PURGANTIA** ad educendos humores & mineram flatuum, pituitam cum primis superfluam, unicè accommodata, neque enim tantam farraginem subigere æquè vel corrigere licet, nisi his utamur vectibus. Ex *καλω-τεχνοις* exempli loco sequentia esse possunt.

Rx. *pulv. laxat. veget. ʒj. magist. lapid. lazul. ʒß.*

resin. gialap. scammon. ã. gr. iij. M. F. Pulvis.

S. *Purgierpulver.*

Rx. *M. ♀ ear. Schræd. extract. panchym. Croll. ã. ʒß.*

resin. scammon. gr. v. ʃ anis. gtt. j.

elix. propriet. q. f. F. l. a. Pilulæ no. XV.

S. *Purgierpillen auff einmahl.*

Rx. *mechoac. ppt. ʒj. extract. rhabarb. gr. v.*

conserv. pæon. ʒj. sir. betonic. ʃ sacch. q. f.

F. l. a. Bolus. D. ad chartam. S. Purgierzucker.

Omnibus verò purgantibus palmam etiam hîc præripere videtur gialapa. Hæc enim incubum, verba sunt *Excell. D. D. Præs. in disput. de gialap. p. 24. cap. 12.* non semel sustulit, ubi præsertim causa in mesenterio hæret.

Non minus VOMITORIA seu purgantia ἀνωλεγον
emolumentum adferent, præcipuè cum penitiq̃ radix mali
infederit ipsis primis viis, quibus liberatis liberior dia-
phragmati patebit via, & cruditatum flatuumque minera
in primâ, quod ajunt, herbâ suffocabitur, undè etiam tum
alii, tum *Rolfinc. in epit. de aff. partic. cap. XVI. de incub. p. 63.*
vel unico emetico sanitati restituerunt incubo laborantes.
Ideoque nulli dubitamus, quin & in nostro ægroto magno
cum emolumento ad evellendam materiam vitiosam ad-
hiberi possint.

Rx. ☿ emetic. Myns. gr. iij. cons. fl. persicor. ℥j.

sacch. q. s. F. l. a. Bolus.

Rx. ☉ ☉ li ℥j. rad. asar. ℥ss. D. ad chartam

S. Brechpülverlein.

DIAPHORETICA absorbendo, fundendo & per ᾠδην
ἢ ἀδηνλον Ἀπνοήν eliminando serum, multis se commen-
dant nominibus. Sola namque diaphoresis ad morbos
quamplurimos, tum avertendos, tum curandos maximam
promittit spem. Hac vi contrariorum inhibita haud exi-
guæ morborum catervæ corpus stipant; Ideoque quoni-
am hujus quoque præsens æger implorat auxilium, sequen-
tia præscribimus.

Rx. ℥ii diaphoret. ℥ss. bezoard. Dr. gr. vj.

M. D. ad chartam S. Schweißpulver auff einmahl.

Rx. cinnab. ℥ii gr. iij. bezoard. miner. ℥ss.

c. sirup. stæchad. Arb. parum, M. F. bolus.

D. in charta S. Schweißzucker auff einmahl.

Rx. ☉. fumar., absinth. ā. ℥ss. C. C. volat. fixat. gr. iv.

M. S. Schweißsälzlein.

Rx. Ræbez. ℥j. essent. succin. ℥ss. ☉ *ci gtt. viij.

M. S. Schweißessenz.

Nec DIURETICA svadere nolumus, medicamina
scilicet, referendis obstructionibus & abstergendæ amurcæ
venarum,

venarū, humoribusque fluxilibus reddendis, quæ singula in nostro ægro occurrunt, quàm accommodatissima.

Rx. *magist. oc.* ℥. ʒj. *Θ genist. cich.* ~ *℥l. coag.* ā. gr. v.
℞ succin. gtt. ij. M. F. Pulv. D. ad chart.

S. Harntreibendes Pulverlein auff zweymahl.

Rx. ~ *aperit. Penot.* ʒj. *Θ is ʒß.* M.

D. in vitro S. Harntreibender ~. XV. gutt. auff einmahl.

Particularia etiam evacuantia, quæ vitiosos humores, pituitam inprimis, universalibus præmissis respiciunt, non seponenda; Hinc ex usu erunt

ERRHINA & PTARMICA, posteriori & consequenti, seu, si mavis comitanti cerebri vitio succurrentia, quatenus stimulando pituitosum in ambitu partium capitis collectum rejiciunt, adeoque & ipsam seri viscositatem & coagulationem corrigunt.

Rx. *▽e major.* ʒj. *pulv. euphorb.* *℥l. alb.* ā. gr. iij.
ambre gr. ij. M. D. in fictili S. Wasser zur Nasen.

Rx. *pulv. fl. lil. convall.* ʒij. *rad. irid. sem. nigell.* ā. ʒj.
helleb. alb. ḡ. v. *mosch. ḡ.* j. M. F. pulv. D. in pyx.

S. Nießpulver.

APOPHLEGMATIZONTA, tum solâ motitatione, tum salinâ simul qualitate, aperiendo poros glandularum miliarium, in eundem finem humores in palatum detrahent, ut *nicotiana*, *lignum sanctum*, *mastiche*, *cubebæ*, *tinctura ligni sancti* s. *composita*, *apophlegmatismus Lauremberg.* &c.

Complementum tandem addunt ALTERANTIA & confortantia, quæ cruditates pituitosas, acidas, & gas peregrinum stypticum exhalans corrigunt, ventriculi & hypochondriorum tonum roborant, nec minus cerebrum ejusque incolas attendunt, unde magna præ aliis prærogativâ gaudere observantur.

Rx. *rad. ari ppt. galang.* ā. ʒß. *pimpinell.* ʒj.
sem. coriandr. anis. cardamom. ā. ʒij.
cinam. cubeb. zingib. mastich. ā. ʒiß.

hepat. rubr. ℥iv. sacch. Canariens. ℥iij.

℞ macis, cinam. ā. gtt. ij. M. D. ad scatulam.

S. Haupt und Magentrifenet.

℞. trag. stomach. Qu. 3j. conchar. margarit. ppt. 3℔.

bezoard. ℞. cachect. cinnab. nat. ā. 3j.

℞. cinam. gtt. j. M. F. l. a. pulv.

S. Magenpulver.

℞. spec. aromat. rosat. diapl. Archont. ā. 3℔.

pulv. epil. March. 3j. croc. ℞. Glut. 3j.

eleosacch. salv. 3℔. M. F. pulv. S. u. f.

℞. spec. diamb. diamosch. dulc. ā. 3℔.

mag. perlar. corall. succin. alb. ppt. ā. 3j. M.

F. l. a. pulv. S. Hauptpulver.

℞. spec. diapæon. Myns. 3j. cinnab. 3ii 3j.

bezoard. ℞. lunar. ā. 3℔.

ungul. alc. ppt. 3℔. fragm. lap. s. pret. ppt. ā. gr. v.

eleosacch. macis ̄. XII. M. F. l. a. Pulvis.

℞. Ræ corallior. ̄. Zvvelff. ā. 3j. D. in vitro.

℞. Ræ lunæ 3℔. D. in vitro, S. Stärck Sinctur.

℞. elix. cephal. Rolf. ̄. Myns. ā. 3j.

essent. succin. lign. aloes ā. 3j. M.

D. in vitro. S. u. f.

℞. ̄us ̄. epilept. striat. Ræ fl. pæon. ā. 3j. M.

D. in vitro S. u. f.

℞. spec. letificant. Gal. diamosch. dulc. ā. 3ij.

caryoph. cinam. cubeb. ā. 3℔. mag. ebor. chrysol. ā. 3j.

amygd. dulc. ambros. excort. 3℔. pistac. 3iij.

conf. lavend. pæon. ā. 3j. sacch. albi solut. in ▽. pæon. q. s.

M. F. l. a. Morful. S. Kräftige Hauptmor sellen.

℞. conf. anth. major. ros. ̄. Glut. ā. 3℔.

spec. diamb. de gemm. cal. ā. 3j.

cond. acor. 3ij. theriac. Androm. 3j.

succin. ppt. 3℔. mag. perl. corall. ā. 3j.

sol. argent. n. iij. sirup. stæch. Arab. q. s.

F. l. a. Electuarium. S. Lutterwerg einer Messerspiße
groß zu gebrauchen.

Uti vero aliàs in praxi EXTERNA internorum sunt complementa, ita quoque non dubitamus ægro nostro commendare eadem.

Primum locum occupant AMULETA, quorum quædam citra superstitionem adhibita nō sunt de nihilo, exhalationibus suis feri correctionē adjuvantia; quædem vero ex vulgi commendatione adhibita minus voto satisfaciunt. Sectabimur magis priora, qualia sunt radices & quæ alia contra epilepticum malum commendantur, multo magis leviori quasi huic malo opem latura.

Hoc fine nec cucuphæ ad roborandum & confortandum deerunt.

R. fol. serpill. salv. pol. mont. puleg. fl. pæon. lil. convall. spic. ā. Div. ladan. storac. calam. succin. benz. myrrb. ā. ʒj.

Spec. diamosch. ʒj. sem. anis. pæon. rut. lign. rhod. ā. ʒʒ.

Concis. cont. M. F. l. a. cum sindon. rubr. cucupha cum interpassatione. Possunt etiam dux, ut unâ noctu, alterâ interdiu utatur, confici.

BALSAMA quoque ad tempora, nares, bregma, nucham, scrobiculū cordis non erunt contemnenda, seu simplicia, seu ex compositis instar omnium apoplecticum.

DIÆTA, in recto & legitimo usu rerum sex non naturalium consistens, & ad curationem admodum necessaria, colophonem addit, quæ triplex est *naturalis, vitalis & animalis*.

In NATURALI CIBI sint concoctu faciles, vitentur fumo indurati, salsi, flatulenti & humido excrementitio pollentes; pane utatur fermentato, ne μέλιον relinquat, & carminativis, semine anisi, foeniculi aliisque condito. Verbo: Quo hactenus usus, cane angueque pejus vitandus.

POTUS sit cerevisia probè defecata, nec nimis recens, nec vetusta nimis, nec vinum dissuadendum generosum, cum πέψιν valdè juvet.

In VITALI AER ambitu suo corpus afficiens purus, temperatus, ad calorem tamen propensior, & suavibus odoribus, qui cum spiritibus immediatum, juxta *Helmontium*, habent contactum, alteratus cordi habeatur, contra ea frigidus, crassus, caliginosus, nebulosus & inclusus exulet.

In ANIMALI MOTUS sit mediocris, quò archeus excitetur, præstat ante pastum institutus, à pastu verò, quia chylum in vasa præcipitat, meritò mater cruditatum dici meretur. QUIES verò seu vita sedentaria eandem generat sobolem.

SOMNUS sit moderatus, ut naturam levet, non gravet. Decubitus observetur sollicitè, ne dorso & toto corpore, nec capite supinus & declivis dormiat, in quibus maximū momentum curationis situm est. Nec solus dormiat, sed fido Achate stipatus, qui in paroxysmo suppetias ministrare possit.

ANIMI AFFECTUS vehementiores, ira, terror relegandi, ad placidiores verò, ut hilaritatem & αὐτάρκειαν, animus ad-
suefaciendus.

ALVUS suo respondeat officio, vel naturā, vel arte, ut lenientibus, clystere, suppositorio promota. Reliquæ etiam corporis excretiones naturales in suo ordine servandæ integræ.

VENUS moderata, sed legitima, quia archeum reddit activiorem, non nocebit.

Naturam atque DEUM Tibi munera larga dedisse
hoc monstrat specimen. Perge, celebris eris.

Præximo Dn. ÆPLINIO Medicinæ Studiofo perindustrio de
primitiis hisce Academicis animitus gratulaturus hac
properante calamo addere voluit

Rudolphus Wilhelmus Krauß / Phil. & Med. D.
Prof. Publ. h. t. Acad. RECTOR.

OMine dum fausto nostras ingressus Athenas
assiduo Phœbo ritè labore vacas,

Laudibus eximium Te reddidit incluta virtus,
 & dignam prolem Musa Salana colit.
 Nunc eadem visenda magis certamine docto
 promittit studiis præmia digna tuis.

*Pereximio Dn. Respondenti, Medicinæ Cultori indefesso,
 & Dissertationis hujus Autori doctissimo, ex animo
 gratulor, successusq; invidendos exopto*

PRÆSES.

GLoria prima tua est, didicisse fideliter artem
 vincendi morbos, qui corpora nostra fatigant.
 Sic auges numerum doctorum; hinc jure mereris,
 ut Tibi certanti Phœbus sua præmia ponat!

Præeximio Dn. ÆPLINIO,

Amico dilectissimo

de specimine erudito gratulatur

Augustinus Henricus Faschius,

D. P. P.

Incubuisse Tuis studiis, Te nocte dieque
 Perstrenuè, ostendunt profectus laude ferendi;
 Incubus in præsens descriptus monstrat abundè,
 Te claræ magnis ausis *incumbere* famæ.

Benevolentia causa scr.

Christianus Sörgelius, D.Ph. J.

Firmiter incumbis studiis, velut Incubus agris,
 Incubus incumbit laudibus inde Tuis.

Gratulab. f.

Erh. Weigelius, P.P.

Co

So recht/geehrter Freund/diſſ ſeynd die ſchö-
nen Stufen /
Durch welche man betritt der Kunſt ge-
heim Gemach.

Es wird die kluge Welt von dir nunmehr ausruf-
fen:

Ihn ſchreibt ſein eigne Hand in der
Gelehrten Sach.

Wie deine Kunſt dich nun ins Buch der Zeiten
ſchreibet /

So ätzt auch ſie dein Lob in das geſtirnte Blat /
So bleibt dein himmliſch Thun dem Himmel ein-
verleibet /

Und Glück und Wohlfarth hängt an einem
Demant-Drat.

Mit dieſen wenigen hat ſeinem vielgeliebten Brüderli-
chen Freunde glückwünſchend zuruſſen ſollen

Johann Dörffler Anhalt. D. R. V.

Incubus exiſtens vulgo nos creditur extra,
Dum latet illum, intus quod latet inque cute.
At Tu, qui calles cauſas ſymptomatis, iſtas
Tollis, & admotâ, quod gravat, arte fugas.
Quod Te cum vulgo parilis non auferat error,
Inde eſt, quod libris incubuiſſe iuvat.

Pauca hæc in honorem Præſtantiff atque Eruditiff. Dn. Autoris,
Contubernalis & amici mei ſvaviſſ. ſubj.

Daniel Henricus Ulrich Gvelfpherbyt.

F I N I S.